



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetii, 1706

Gregorii XIV. Constit. VII. De Immunitate Ecclesiarum.

[urn:nbn:de:hbz:466:1-62406](https://nbn-resolving.de/urn:nbn:de:hbz:466:1-62406)

ADNOTATIONES.

ET A' PAUCIS IIS QUÉ SENIORIBUS AC RELIGIOSIS PERSONIS, &c. Non est ab Episcopis parvipendenda Pontificis admonitio his verbis concepta, prout nonnulli faciunt, permitentes ingressum tempore Visitationis personis non senioribus, neque necessariis, sed ut curiositatem, quam habent septa Monialium invisendi, adimpleant: Nam in iis non verificatur necessitas ingressus, quam requirunt Concil. Trident. & nostra Constitutio ad evadendam excommunicationem latæ sententia; & sic caveant Episcopi, ne sint in hoc indulgentes: At sequuntur consilium Episcopi Reste in Director. Visit. par. 1. cap. 89. ubi de duobus Visitatoribus probatae vitæ, Confessarii Monialium, & Cancellarii est contentus: Illud enim possumus, quod justè, vel honestè facimus, c. Facit homo, ubi glof. 22. q. 2.

2. Præter hanc Constitutionem, adest altera Alexandri Septimi, quæ incipit Fœlici in Bullar. to. 6. Constit. 153. in qua præscribitur modus Superioribus Regularibus quo debent, & possint Clausuram Monialium ipsis subjectarum ingredi: Hoc est semel tantum in anno occasione Visitationis, unico socio, (nisi sit Generalis, cui duo conceduntur,) sine refectione, & cum assistentia quatuor Monialium ex senioribus: Extra verò Visitationem, si aliqua urgens causa exposcat Superiorum ingressum, non nisi cum præsentia Episcopi, vel alterius personæ Ecclesiastice Sæcularis probatae vitæ ab eodem deputatae id effice non valeant.

3. In hac eadem Bulla præcipitur, quod Mansiones Confessorum earumdem Monialium exemptarum sint omnino, & penitus disjunctæ à Monasteriis non solum per parietes, sed etiam per tecta, dilantia ab Episcopo recognoscenda, & ap-

probanda, si Monasteria Virorum, quibus Moniales subsunt, longè distent à Monasteriis Monialium: Quando enim ambo sunt in eadem Civitate, vel Oppido, Confessarii revocandi sunt ad proprium Conventum, ut in §. 6. d. Bullæ disponitur, & quatenus Regulares Constitutionem hanc non servent, poterit Episcopus, tamquam Delegatus Apostolicus, contra illos animadvertere ut ibidem statutum legitur.

Gregorii XIV. Constit. VII.

De Immunitate Ecclesiærum.

SUMMARIUM.

- 1 Qui dicantur publici Latrones.
- 2 Qui Graffatores, & n. 3.
- 4 Qui Depopulatores Agrorum.
- 5 Qui mutilantes membra in Ecclesia, vel homicidium patrantes.
- 6 Qui Proditores, & num. 7.
- 8 Qui Assassini.
- 9 Hæretici, & blasphemantes hæreticæ ter non gaudent immunitate.
- 10 Neque rei criminis læsæ Majestatis.
- 11 Bulla Gregor. XIV. non extenditur ad casus non expressos quantumvis miles.
- 12 An Ecclesia gaudeat immunitate, si adhuc ibidem divina non fuerint celebra, referuntur DD. sententiae.
- 13 Sententia contumacialis non privat delinquentem immunitate.
- 14 Confuetudo extrahendi ab Ecclesiis delinquentes sine licentia Episcopi non excusat ab incursu Censurarum.
- 15 Hebrei in casibus non exceptis gaudent immunitate, scuti etiam clavi, seu servi infideles.
- 16 Mater suffocans filium infantem, & Uxor Maritum dormientem non gaudent immunitate.

GREGORIUS EPISCOPUS &c.

CUM alias nonnulli Predecessores nostri, & præsertim fel. rec. Sixtus Papa V. necnon Pius etiam Quintus, sancto zelo ducti diversas facultates, & indulxerunt extrahendi etiam in casibus quibusdam à jure non permisis ex Ecclesiis criminosos, & delinquentes, compluribus Sæcularibus Principibus, eorumque

Cu-

Curiis, & Magistratibus, sub variis modis, & formis concederint, prout in illis plenius continetur.

§. 1. Experientia postmodum docuit tum ob diversitatem, & differentiam iusmodi indultorum, tum quia plerique eorumdem Principum Ministri ex ipsa illa diversimodè, etiam latius quam par erat, & ad suum libitum interpretandi occasionem arripuerunt, illisque abuti coeperunt, subortam esse non mediocrem in aliquibus locis libertatis, & immunitatis Ecclesiasticae perturbationem, & confusionem; alibi vero ne ipsos quidem Laicos Indultis hujusmodi uti voluisse, aut potuisse, quod populis, inveterata erga Ecclesias reverentia, devotis, & assuetis, scandalis potius quam quietis occasionem praebarent. Illud etiam absurdum sèpè numero fecutum est, ut infimæ interdum conditionis Laici, non modò juris, sed etiam litterarum penitus ignari, & imperiti, dum quasi potestates, aut Ministri Curiae Sæcularis in aliquo Castro, aut Oppidu- lo jurisdictionem exercebant, facultatum, & indultorum hujusmodi limites longè excesserint, eaque suo arbitratu in sensus minus rectos, & ab intentione concedentis omnino alienos detorserint, & illorum prætextu quicquid sibi in mentem venit attentare præsumperint, in grave jurisdictionis, & immunitatis Ecclesiastice præjudicium, locorum, & personarum Divino cultui dicatarum contemptum, ipsius Divinæ Majestatis offensam, & scandalum plurimorum. Quare pro commissso Nobis à Domino Pastoralis officii munere, prædictis absurdis, & scandalis obviare, ac differentias hujusmodi ad uniformem regulam reducere, omnemque dubitandi, ac perperam interpretandi occasionem dilucida declaratione submovere, abusus tollere, & ne Ecclesiastica jura planè conculcentur, & negligantur, opportunè providere decrevimus, prout etiam dictus Sextus Prædecessor noster iisdem de causis motus statuere decreverat, licet morte præventus hoc adimplere nequiverit, ita tamen ut quando præsens temporum calamitas, & nimia, quæ jam invaluit, perverorum hominum malitia id exposcit, aliquid etiam ad terrorem delinquentium, & ad coercenda illorum facinora, ultra id quod prisca illa majorum nostrorum disciplina, & vetus Sacrorum Canonum norma præscriperat in quibusdam casibus, congrua moderatione adhibita, permittamus.

§. 2. Hac itaque nostra perpetuò valitura Constitutione omnia, & quæcumque privilegia, Indulta, & gratias, tam per prædictum Sextum, ac Pium Quintum, quam alios quoscumque nostros Prædecessores, aut nosmetipso, Sedemque Apostolicam, ejusve Legatos, super abducendis, vel extrahendis ab Ecclesiis, Monasteriis, Sacellis, Domibus Regularibus, & Sæcularibus, locisve sacris, aut Religiosis, aliasque in casibus à jure permisis, Hominibus certorum tunc expressorum, vel non expressorum criminum reis, aut fraudulentibus decotribus etiam in odium certorum delictorum, & pro bono, pace, & quiete publica, & ex causis urgentissimis, ac necessariis, & æquipollentibus casibus in jure expressis, atque ex paritate, identitate, aut majoritate rationis extensis perpetuò, vel ad certum nondum elapsum tempus, seu ad vitam alicujus Principis, vel Beneplacitum, seu alias quomodolibet concessa, etiam iteratis, aut multiplicatis vicibus approbata, in novata ac usu recepto, litterasque Apostolicas sub plumbo, aut in forma Brevis, seu alias quomodocumque desuper confectas, quarum tenores hic haberi volumus pro expressis, ac ad verbum in-

infertis, sublata penitus omni differentia, ita ad unam tantum formam reducimus, & moderamur.

§. 3. Ut Laicis, ad Ecclesias, locaque sacra, & Religiosa praedicta confugientibus, si fuerint publici Latrones, viarumque Graffatores, qui itinera frequentata, vel publicas stratas obsident, ac viatores ex insidiis aggrediuntur, aut depopulatorum agrorum, quivè homicidia, & mutilationes membrorum in ipsis Ecclesias, earumvè Cœmeteriis committere non verentur, aut qui proditorie proximum suum occiderint, aut Assassini, vel heresis, aut læse Majestatis in personam ipsius met Principis rei, immunitas Ecclesiastica non suffragetur. Sed universis, & singulis Venerab. Fratr. nostris Patriarchis, Primatibus, Archiepiscopis, Episcopis, ceterisque Ecclesiarum, & Monasteriorum Prælatis tam Sæcularibus, quam cuiusvis Ordinis Regularibus, districte præcipiendo mandamus, & præcipimus, ut Laicos in casibus prædictis delinquentes ad eorum Ecclesias, Monasteria, Domos, & alia loca supradicta sacra, seu Religiosa respectivè confugientes, & in eis se recipientes, atque morantes, qui prædicta delicta, eorumvè aliquod, iudicio suo commississe videbuntur, quando à Curia Sæculari fuerint requisiti, & quilibet eorum fuerit requisitus, Ministris, & Officialibus Curiae Sæcularis absque irregularitatis nota, aut alicuius Censuræ Ecclesiasticae incursu tradi, & consignari current, & faciant, & quilibet eorum curet, & faciat.

§. 4. Ne autem Curia Sæcularis prædicta Ministri facultate illos per se, & propria auctoritate extrahendi, & abducendi sibi olim, ut presertur, attributa, & per presentes revocata, abutantur, volumus, dictaque auctoritate decernimus, & declaramus, ut Curia Sæcularis, ejusque Judices, & Officialis, ab Ecclesias, Monasteriis, locisque sacris prædictis, Laicum aliquem, ut presertur, delinquentem in nullo ex casibus supradictis sine expressa licentia Episcopi, vel ejus Officialis, & cum interventu personæ Ecclesiastice ab eo auctoritatem habentis, ad quos solos, & non alios, Episcopis inferiores, etiam si alii Ordinarii sint, nullius Diœcesis, aut Conservatores ab hac Sede specialiter, vel generaliter deputati prædictam licentiam dandi facultas pertineat. Occurrente autem casu in loco exempto, & nullius Diœcesis, tunc ad Episcopum vicinorem devolvatur hæc cognitio, & non ad alios; capere, extrahere, aut incarcere non possint, nisi eo casu, quo ipse Episcopus, & diœtae personæ Ecclesiasticae requirite illos in dellatis superius expressis culpabilis, tradere, aut capturare, & carcerationi intervenire, & assistere recusaverint. Tuncque reverentiae Ecclesiae, & locis sacris debite memores, prædictos delinquentes, minori quo id fieri poterit cum scandalo, & tumultu extrahere current.

§. 5. Quodque delinquentes Laici prædicti postquam, ut presertur, ab Ecclesias, locisque sacris extracti, & capti fuerint, ad carceres Curiae Ecclesiasticae reponi, & inibi sub tuto, & firmo carcere, ac opportuna custodia, data illis, si opus fuerit, per Curiam Sæcularem, detineri debeant, nec inde extrahi, Curiaeque Sæculari prædictæ consignari, nec tradi possint, nisi cognito prius per Episcopum, seu ab eo deputatum, an ipsi verè crimina superius expressa commiserint. Tuncque demum de mandato Episcopi per Judicem Ecclesiasticum Curiae Sæculari, quacumque appellatione postposita consignentur.

§. 6. De crimine verò hæresis cognitio ad Forum Ecclesiasticum tota pertineat, neque in ea Curia Sæcularis quoquomodo se intromittat.

§. 7.

7. Sicut etiam prohibemus, ne contrà Ecclesiasticas personas, Sæculares, aut cuiusvis Ordinis, vel Militiae etiam Sancti Joannis Hierosolymitani Regulares quoquomodo etiam vigore prædictorum privilegiorum, indultorum, aut concessionum, quæ omnia ad terminos juris per præsentes reducimus, procedant, aut se intromittant, illasvè ab Ecclesiis, Monasteriis, Domibus, locisque sacris, aut Religiosis, etiam in casibus in hac constitutione expressis, extrahere, abducere, capere, carcerare, aut cognoscere de criminibus ad Forum Ecclesiasticum pertinentibus, aliàs quàm de jure, & per privilegia eisdem Ordinibus, aut Millitiis concessa permittitur, quomodolibet præsumant.
- §. 8. Quod si quis quacumque dignitate, & auctoritate præditus, præmissorum, aut alio quovis prætextu quicquam præter, aut contra hujus nostræ constitutionis tenorem attentare prælumpserit, declaramus eum ipso facto censuras, & pœnas easdem incurtere, quæ contra libertatis, & immunitatis Ecclesiastice violatores per Sacros Canones, & Conciliorum generalium, nostrumque Prædecessorum constitutiones sunt promulgatae.
- §. 9. Sicque per quoscumque Judices Ordinarios, & delegatos etiam Causarum Palatii Apostolici Auditores, & S.R.E. Cardinales, sublata eis, & eorum cuilibet, quavis aliter judicandi, & interpretandi facultate, in quavis causa, & instantia, judicari, & diffiniri debere, necnon irritum decernimus, & inane, si secùs super his per quoscumque quavis auctoritate scienter, vel ignoranter contigerit attentari.
- §. 10. Non obstantibus præmissis tâm Sixti, & Pii V. quàm aliorum quorumcunque Prædecessorum nostrorum litteris Apostolicis, privilegiis, indultis, & facultatibus quibusvis personis etiam Imperiali, Regia, Ducali, aut alia quavis dignitate, & auctoritate fulgentibus, aut Rebus publicis, Dominiis, Regionis, Provinciis, Civitatibus, Terris, & Locis, eorumvè Curiis, Parlamentis, Senatibus, Consiliis, Communitatibus, Universitatibus, Collegiis, aut Præsidentibus, Proregibus, Gubernatoribus, Locatenentibus, Vicariis, Potestatis, aliisque Magistratibus, Officialibus, Ministris, aut Consiliariis, ex prædictis, vel aliis etiam gravioribus, & urgentioribus causis; tâm illorum intuitu, & contemplatione, sive ad eorum preces, & instantiam, quàm etiam Motu proprio, & ex certa scientia, deque Apostolicae potestatis plenitudine, ac per modum statuti, & legis perpetuae, etiam in vim contraictus, & Fratrum nostrorum consilio, sub quibuscumque tenoribus, & formis, & cum quibusvis præservativis, restriictivis, mentis attestativis, derogatoriarum deroga toriis, aliisque validissimis, efficacissimis, & insolitis clausulis, necnon irritantibus, & aliis Decretis, etiamsi inibi caveatur expressè, quod illis, nisi sub certis modis, & formis, & nisi de eorum expresso consensu ad quorum favorem concessæ fuerint, derogari possit, & aliter factæ derogationes nullius sint roboris, vel momenti, & aliàs quomodolibet concessis, etiam saepius approbatis, & innovatis. Quæ omnia, & singula, ac illorum tenores pro expressis habentes, quantum præmissis in aliquo adversentur, aut plures quàm superius expressos causus contineat, auctoritate, & tenore præmissis omnino, ac perpetuo tollimus & abrogamus, ac ad terminos præsentis constitutionis, quoad superius descripta dumtaxat reducimus: Et nolumus cuiquam de cætero suffragari, & qualibet alia dictæ Sedis indulgentia generali, vel speciali, per quæ præsentibus non ca-

aut
ula
aut
ro.
lo.
ex.
um
Dr.

expressa, vel ad verbum non inserta, effectus earum quomodolibet valeat
impediri (*& sequitur publicatio.*)
Datum Romæ in Monte Quirinali Anno Incarnationis Dominicæ millesimo
quingentesimo nonagesimo primo, nono Kal. Junii, Pontificatus nostri
Anno primo. Bullar. tom. 2. pag. 694.

ADNOTATIONES.

IS I FUERINT PUBLICI LATRONES. Publici Latrones, qui vigore unius ex casibus hic exceptis immunitate non gaudent, dicuntur hi, qui ferro, vel fustibus insidiosè in viis publicis frequentatis viatores aggrediuntur, & furantur, etiam absque hominis necatione, Ambrosin. *de Immunit. Eccles. c. 2. num. 4. & 5.*

2. Grassatores verò dicuntur hi, qui vias obsident, ut spoliunt itinerantes, & armis renitentes occidunt. Differunt à Latronibus in eo, quod hi dicuntur, qui viatores foris obsident, illi qui in Urbe, Ambrosin. *ubi suprà cap. 3. numer. 8.*

3. Ut autem Grassator indignus efficiatur Ecclesiastica immunitate, opus est, quod plures tanti sceleris fuerit reus in viis frequentatis, Guazzin. *ad defensor. reor. def. 1. cap. 38. num. 36.* Nicol. *lucubr. Civil. lib. 1. tit. 8. de immunit. Eccles. num. 28. vers. Non possunt: Quidquid, sit, an pro unica grassatione ultimo supplicio puniri debeat, de quo articulo viden. Raynald. *observat. Crimin. tom. 2. c. 14. num. 74. & 75. ubi num. 66. & 68. ex doctrina Muscatelli tit. de furt. tenet, quod grassationis crimen de necessitate requirat, quod sit admissum in strata publica cum armis.**

4. Depopulatores Agrorum hi dicuntur, qui segetes in Agris deprædantur, & fructus, ac Vineas diripiunt, & vastant ex proposito, sive diurni, sive nocturni sint, Ambrosin. *de Immunit. Eccles. cap. 4. num. 5.* Nicol. *loco citato n. 9.*

5. Mutilantes membra, vel homicidium patrantes in Ecclesiis, dicuntur non solum hi, qui intrâ ambitum existentes ibidem delictum committunt, sed etiam alii, qui cum Archibusio, seu aliquo alio armorum genere existentes in Ec-

clesia; alium extrâ Ecclesiam commorantem, vel existentes extra Ecclesiam, existentem in Ecclesia occiderent, quia in utroque casu delictum in Ecclesia perpetratur, in primo ob principium delicti, in secundo ob effectum, ut probat Ambrosin. *de Immunit. cap. 5. n. 7. & 8.* Dummodò non occidant provocati, & in rixa, nam tunc gauderent, *Sacr. Cong. Immunitat. in Algaren. 24. Martii 1637. lib. 3. Decret. Pauluc. fol. 27. à tergo.*

6. Proditorii species dicitur quando nullus præcedebat rancor, sed potius simulabatur amicitia, unum scilicet gerens in corde, aliud in verbis, & in actibus unum ostendit, & aliud in mente gerit: Et sic, ut quis proditor dicatur oportet, vel quod fidem datam frangat, vel simulatione insidietur, Ambrosia. *ubi suprà cap. 6. n. 4.*

7. Dicitur etiam proditor, ut immunitate privetur, qui aliquem, cui se tamquam Socium, & Amicum adjunxerat in via, & nulla rixæ causa interveniente occidit, seu qui dolosè sub amicitia colore seducit aliquem, ut occidat *Sacr. Congreg. Immunit. in una Rhegian. 1602.* quam refert Nicol. *loco citat. num. 31.* Et quod ad proditorii homicidii qualitatem probandam requiratur amicitia præcedens, censuit *Sac. Congreg. Immunitat. in una Benevent. 18. Augusti 1637. lib. 3. Decret. Pauluc. fol. 39.*

8. Assassini autem dicuntur qui pecunia accepta, vel promissa à mandante, homines Christianos incertos nil tale præcogitantes occidunt. Si enim quis occideret infidelem, non privaretur immunitate, ut dicit Ambrosin. *ubi suprà cap. 7. num. 12. & seqq.* Mandantes quoque sequito effectu, ut non gaudeant immunitate, & dicantur Assassini, tenet Nicol. *ubi suprà num. 32. vers. Amplia primo, ubi Decretum Sacr. Congregat. Episcop. allegat.*

Monacelli Form. Pars I.

Cc

9. Hæ-

9. Hæretici , sicuti & cæteri mox superius enumerati immunitate Ecclesiastica non gaudent, nec qui blasphemiam hæreticalem profert , ex traditis ab Ambrosin. cap. 8. n. 8. & 10.

10. Rei criminis læsæ Majestatis in personam ipsiusmet Principis, Superiorum in temporalibus non recognoscens, cui delinquentes sint subjecti ratione originis , vel domicilli , ex vi nostræ Constat. immunitate non gaudent , Ambrosin. c. 9. n. 6. Nicol. ubi suprà n. 34.

11. His breviter notatis , memineris , quod hæc Bulla non extenditur ad alios casus ultrà expressos etiam similes , quia casum exceptorum expressio fit ibi per modum formæ , cum clausula sublata , quæ omnem extensionem , & interpretationem excludit , Ambrosin. de Immunit. Eccles. cap. 1. num. 14. & advertit quoque Guazzin. d. defens. 1. n. 52. post enumerationem casum , qui alias juxta juris communis , & DD. interpretationem immunitate non gauderent.

12. Secundò , quod Ecclesiæ non consecratae , sed tantum auctoritate Episcopi ædificatae , & dedicatae , in quibus Divina adhuc Ministeria non sunt cœpta celebrari , vel si essent diruta Episcopi auctoritate sine spe reædificandi , immunitate non gaudent , Ambrosin. ubi suprà cap. 10. num. 2. & 3. cui fayet Glofs. in cap. Ecclesiæ de Immunit. Eccles. At contrà Ambrosin. stat opinio Sylvestr. in verb. loca Religiosa , ubi indubitanter tenet , quod Ecclesia auctoritate Episcopi constructa , gaudeat immunitate , etiamsi nondum ibidem fuerit celebratum , quem sequuntur Sanch. de Matrim. lib. 9. disp. 15. n. 36. Sperell. decis. 62. num. 20. & tu hos seque-
re si magis placet .

13. Tertiò , quod ad extrahendum delinquentem à loco immuni , & Curiæ seculari consignandum , non sufficit sententia contumacialis super casu excepto , sed plenior probatio exigitur , ut declaravit Sacr. Congregat. Episcoporum in Cremonen. 27. Julii 1618. his verbis — *Sacra Congregatio declaravit, quod ad extrahendum delinquentem à loco immuni, & Curiae seculari consignandum, non sufficit sententia contumacialis, quia non probat deli-*

cum, sed plenior probatio requiritur.

14. Quartò , quod licet consuetudo quamvis iniqua excusat à poena temporali , hoc tamen fallit in nostra Bulla , & in extrahentibus à locis immunibus reos absque licentia Episcoporum prætextu consuetudinis , quæ illos non excusat ab incursu pœnæ spiritualis excommunicationis : Cùm sit potius pravus abusus , quam consuetudo , improbatus tam de jure Civili in l. præsentि , Cod. de bis , qui ad Eccles. conf. quām Canonico in c. Difinit. vit. 17. q. 4. cap. inter alia de Immunit. Eccles. cum aliis juribus allegatis ab Ambros. de Immunit. Eccles. cap. 15. n. 8.

15. Quintò , quod Hebræi gaudent privilegio immunitatis Ecclesiastice , quia in Bulla non fuerunt exceptuati , prout declaravit Sacr. Congreg. Immunit. in Sarzanen. 26. Septembr. 1651. lib. 4. Decr. Paul. fol. 160. à tergo . Et idem dicas de Servo , seu Sclavo Infideli , ut censuit eadem Sacr. Congreg. in Catacen. 18. Februar. 1631. lib. 2. Decr. Pauluc. fol. 95. à tergo , & in Licien. 13. Julii 1649. lib. 4. Decret. Pauluc. fol. 83.

16. Sextò , quod Mater suffocans , sive occidens filium infantem non gaudet Ecclesiæ immunitate , Sacr. Congreg. Concil. 3. Decembbris 1632. quam sententiam approbat Sacr. Congregat. Immunitatis in una Pisauren. 19. Novembris 1647. lib. 4. Decret. Pauluc. fol. 33. à tergo , quia est species homicidii proditorii : Quod procedere declaravit etiam in Uxore , quæ Maritum dormientem occidit , in Cremonen. 29. Decembr. 1625. in Regestr. Script. veter. fol. 77. à tergo .

17. Septimò , quod ad acquirenda indicia contra reos , permitti non debet , quod Judex Laicus recognoscat libros Parochi , à quibus fuerunt extractæ fides mortis , aliæque similes coram ipso forte producuntur , ut respondit Sacr. Congregat. Immunit. in una Mediolanen. 15. Januen. 1658. lib. Deqr. Roccii fol. 56. à tergo .

Cle-